

故宮博物院
藏本
刊

皇清文穎

故宮博物院編

海南出版社

續編

第五冊

共九冊

故宮珍本叢刊第 655 冊清代詩文總集

故宮博物院編

皇清文穎續編

第五冊（共九冊）

海南出版社

圖書在版編目(CIP)數據

御選唐宋元明詩/(清)聖祖選編. —影印本. —海口:海南出版社, 2000. 10
(故宮珍本叢刊)

本書與“宋元詩會/(清)陳焯編”等 9 種書合訂

ISBN 7-80645-752-6

I. 御… II. 聖… III. 文學—作品綜合集—中國—古代 IV. Z121.7

中國版本圖書館 CIP 數據核字(1999)第 68763 號

故宮珍本叢刊第 655 冊

清代詩文總集

皇清文穎續編

第五冊(共九冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:25 印數:1-400 冊

ISBN 7-80645-752-6/Z·29

定價:4170 元(清代詩文總集 10 種共 27 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

皇清文頌續編卷十五

連珠

聖駕南巡恭紀

謹序

陳兆崙

乾隆十有六年春正月十有三日

皇上躬詣

青壇行祈穀禮禮成遂發自東郊恭奉

皇太后鑾輿南巡江浙

睿謨廣運

皇清文頌續編

卷五

謹序

一

溫綽疊頒動植希光神人訪洽典至鉅

恩至渥也

臣

伏見我

皇上至仁大孝盛德夙成以是措注

萬幾動應其本名言莫罄端緒畧窺不揆樛昧恭成

演連珠三十首

臣

竊按連珠之體言欲有序義

取相生詮次事理纍然如貫區區微忱以爲鋪

陳

盛美此爲宜稱矣而文不逮意彌用悚惶若乃揚

雄造端於西漢班固傳毅續譽於東京下逮張

華陸機並有述作以

臣

之愚萬不敢追蹤古人

若我

皇上仁孝之治固已遠軼漢晉籠跨三五宜有以宣

被金石傳之無窮則或者韋壤之音

聖主不棄又

臣

本浙土耕氓蒙

恩備員

講幄職司載記稔悉風謠分宜附賡颺之末班效

皇清文頌續編

卷五

謹序

二

旄倪之歡祝謹齋心濡毫拜手稽首以獻

臣聞車攻奏雅王迹肇於土中柴望陳書帝業光於

海表是以

禮隆嵩岱先四鎮以山呼

化洽東南進羣神而雲繞

臣聞七聖隨鑾下啟華封之祝雙龍夾轂遙輝禹會

之圖是以

神器仰承必敬

天而法

祖情田俯察兼導滯與宣幽叶

臣聞流虹繞電爰徵黃屋之符紫闕金根聿建蒼龍之葆是以如天之福今始萃於

慈宮愛日之誠古無深於

聖抱

臣聞水以承舟喻蒼生之可貴金難比粟知穡事之維艱是以燦燦鉤陳轉東郊而後發煌煌

皇清文穎續編 卷五 邊

三

王詔乘溫律以偕頒

臣聞膳禽不會禮崇維辟之儀大庖不盈詩美若虛之德是以膏香在

御悉取給於太官絲粟無供動

軫懷於民力

臣聞海浩無涯詎假瀾於川谷天鑒有赫寧倚衛於

風霆是以七萃騰驤

命臨河而遙駐

六飛沛艾許夾道以歡迎

臣聞盈車之魚以衆割而忘多千石之樽緣聚瓢而見窄是以連檣減漕回銜尾於江皋六穀吹香出長

胥於

帝藉

臣聞玉檢金泥本賦家之潤色元霜絳雪亦方士之虛無是以風引瀛壺不問安期之棗洲臨橋袖罷徵鴻寶之書

皇清文穎續編 卷五 邊

四

臣聞垂虹廿四宛通風信悠揚浮翠一雙不數蛾峯硤硤是以

龍旂霞舉仍儷景於華林

鳳舸烟開儼齊輝於天闕

臣聞官閣千花笑詞流之寒窘鶴林一樹避俗士之譁囂是以佳麗之區藉

宸遊而迹顯瑰奇之產經

天顧而聲高

臣聞武侯石畔中亭烟月徘徊鄧尉山前三月鶯花
冉靄是以平臺

弭節如陳鏡古之林遂館

停驂恍展屏風之繪

臣聞黃海雲平輔金陵之形勢鍾山霧鎖藏屋社之
精靈是以例禁採樵僅見

熙朝寬大典隆

親酌端由

皇清文頤續編

卷五

遼

五

聖德恢閔

臣聞界分吳越在禦兒橋李之間星共女牛號織婦
耕夫之所是以阜安有象指湖畔之鴛鴦

膏澤無私坐樓前之烟雨

臣聞明聖名湖合駐

鸞龍之蹕中台號嶺應懸鷁鷺之巢是以月到潭心
水懷珠而待獻雲生馬首山插笏以來朝

臣聞茗封石鏡撫錢氏之豐碑塵掩丹爐陟葛翁之

舊鳥是以宜晴宜雨知爲奔走萬靈非霧非烟莫是
來遊五老

臣聞知水仁山狀天真而若繪陶堯鑄舜紬威力而
弗程是以陋秦望之夸

親探禹穴錄鶯經之韻戾止蘭亭

臣聞文峯插漢森象緯於奎章道脈分流滙波瀾於
海若是以覩舞鳳蟠龍之

睿藻何殊光燭河湄聆敲金戛玉之奇聲不數音鏗

皇清文頤續編

卷五

遼

六

襄野

臣聞心鏡默澄照無遺於遐邇德馨旁達氣自徹於
幽明是以義起勸忠

特舉鄉賢之祀道兼教孝俾光家鼎之銘

臣聞無功不報則加命於躬桓有澤維均則流慈於
閭閻是以

賞先大吏榮邀進律之旌

恩逮羣僚允慶升階之迪

臣聞續挾春溫爲蒙施而愈厚葛含風軟以稱意而彌輕是以

旋晃經過地簇如袍細草

山龍照耀身餘惹袖濃馨

臣聞甘膏普潤原無擇於華枝大澤橫流不專施於

涸魴是以

蠲除萬億實殷富之名邦

豁免頻仍乃樂輸之正賦

皇清文穎續編

卷五

遼

七

臣聞在澤曰莪自細微而封殖在汧曰藻由採擇以

向榮是以

特增弟子之員人爭鼓篋旋廣黌宮之舍士盡橫經

臣聞春饗秋食耄耄得以情通暑怨寒咨痼瘵不以

地隔是以兒敲銅斗忻

頒內府金錢叟仆桃枝拜

賜尙方粟帛

臣聞芝苗窮巖華皓驚其美瑞蘭生空谷王者號爲

名香是以

賜札集賢罔不瞻

雲恐後標名拔萃居然負風而翔

臣聞春叢照路則枯枿黠以無顏靈苗在山則澗底

鬱其寡侶是以

予之湔洗最後効於葵傾

錫以冠紳軫微忱之雀舞

臣聞列肆擊鐘比戶因之景附城中高髻四方甚其

皇清文穎續編

卷五

遼

八

風趨是以

天語周諄示儉之文最著黎民於變過化之象以昭

叶

臣聞牢盆疊雪國收煮海之饒斥鹵成田家有熬波

之蓄是以

寬租示勸薄災漢之均輸

賜爵叨榮眇夷吾之司牧

臣聞橫海駐師波靜長鯨之窟條風協律航浮烏弋

之津是以

詔遣觀兵軍容肅其將命

指歸耀德雞林紛以徠臣

臣聞增庠培薄賈讓列爲末圖沈玉舉漢武惟還

舊觀是以易葦以石遠謨成鞏固之基善蓄爲通

睿想盡神明之算

臣聞蠕動翺飛喜溢靈臺之圃星輝雲爛祥徵薰被

之絃是以際

皇清文頌續編

卷五

連珠

九

重光之運觀

文之光修臨幸之上儀於百有餘歲承

長樂之歡同民之樂垂尊養之休烈於億萬斯年

皇上五旬萬壽恭紀

儲麟趾

臣聞叶天地之量者區寓并包統日月之明者容光

必照我

皇出震位以成能繼離功以惟肖是以元會縣而春

浩蕩恩浹九垓光華旦而運庥明德濡四垓

臣聞洪鐘緣實吐韻莫窺韻之所傳陽晷隨形賦影

難量影之所受我

皇正位凝命體備乎羣倫敘福錫民用彰於九有是

皇清文頌續編

卷五

連珠

十

以以天下養惟

孝子克順乎

親如日之升惟

仁人必得其壽

臣聞玉檢金泥爰有河圖獻瑞紫文赤字聿來靈寶

呈祥我

皇潛心窺乾符之奧研極挾坤珍之藏是以紹義軒

則性焉安焉無俟崆峒問道體堯舜而至矣盡矣共

瞻雲日垂裳

臣聞目之有際也而眊周乎圓宇鑒之無厚也而照徹乎重淵我

皇睿智涵虛而抱蜀聰明離器以存神是以象日晷表正萬方心無爲以臨南面規幅員惟大一統民從欲而拱北辰

臣聞樽俎折衝逮明威以儼頑傲干戈變伐仗大順以靖氛囂我

皇清文穎續編

卷五

樂

十一

皇神武布昭震乎荒裔懿文矢洽播於黎苗是以大謀大猷倡凱吹而功揚萬里之外羣策羣力續衢歌而聲徹四塞之遙

臣聞蕩乎大乎萬寶以之化者必以宏量舉確乎純乎一作而不易者必以全力持我

皇乾惕體天之行健動靜有良之永思是以邇不遺遠不禦治功行四達而不悖

志爲繼

事爲述

謨烈繇百祀而常垂

臣聞玉質金相懋修端夫圭璧仁經義緯敦睦勵於闈庭我

皇顯道惟彰而日盛孝思不置以時形是以

天節日增五十猶嗣虞廷之孺慕春宮晝永萬年長錫嬌水之修齡

臣聞服純棉之麗溫則布褐失其煖嘗太牢之滋味

皇清文穎續編

卷五

樂

三

則腥膻儉其餐我

皇爲羣生而謀飲食遍萬物以調煥寒是以五位相合於坤乾羣向冀階而進頌萬福來同於海嶽爭遊鳳宇而騰幢

臣聞以仁育者春曦表其妍以義正者秋陽流其鏘我

皇好生之德洽民心蕩氛之威昭戎幕是以尉依毳帽隨太和之千羽而來我闕庭露犬繄牛順仁壽之

日月而安其疆索

臣聞斟酌道德之淵源引而不竭育核仁義之林藪
旨而彌甘我

皇御經筵而異叅同貫開秘閣而左泳右涵是以和
寧啟得天之符天象朗而天昌景運壽考諧作人之
應人文賁而人獻瑤函

臣聞煦育之朝動物如草之偃阜成之運應世同樂
之諧我

皇清文頌續編

卷五

樂

三

皇作觀致輿圖之皞皞儀舞來翽鳳之喈喈是以沐
二十五年之恩膏陳玉帛者梯山航水希百千萬禩
之休養効鵷鳬者聯陛盈階

臣聞四瀆紀於地神紐備而不居三辰麗於天元樞
運而無迹我

皇合性量於太虛燦輝光於篤實是以天錫無疆而
和風習吉將見躋六宇於春臺蒼符大衍而化日同
舒早已登萬民於壽域

聖駕四巡江浙恭紀

曹仁虎

臣聞斗杓度方司蒼緯者罔滯軌轍轡經道運赤曜
者希停輪是以紹衷對之文酬殷望於三稔敷斂時
之福闡上儀於

四巡

臣聞乙以軋生爲義康木協符酉迺留熟之名瓊金
駉兆是以繹

祖武於時邁應期則撓甲載周承

皇清文頌續編

卷五

樂

四

天庥於歲占調氣則倫簡重告

臣聞通年制用登平之茂期必世臻仁匝洽之隆會
是以三十紀之延洪錫羨襲熙運以允升億兆人之
扇慕仰誠睇

耿光而訢戴

臣聞孚甲布祿必載燭以迎氣始辛祈實庸升極以
薦蠲是以青甸陽奮以導參先日之條風歛煦
紫壇禮成而揚軼隔宵之璧月吐圓

臣聞軒符合於金山未紀彤帷之侍陶玉刻於河渚

罕傳紫闕之扶是以凝

寶錄之禧惟

慈宮爲單厚布

金輿之澤在

壽國爲永舒

臣聞穹霄有赫寧憑風雷以助尊巨渤無涯曷藉壑

谷以增大是以警途除禮頓之使則未夫奉

皇清文穎續編

卷五

連珠

五

鑾張路却儲胥之供則輟豎承蓋

臣聞輟駢以示仁猶禁草木之踐羞憤以申敬弗煩

芻菱之輸是以七校扈行

特留河干之從騎千寮陪列先約日下之屬車

臣聞黃圖控乎三輔燕南之田膏漉滋碧淀連乎九

河趨北之澤腹流渙是以鼉炬陳而燈賞同展聯廣

颺於

帝歌鶴觴晉而饌罄具調奉豫順於

慈眷

臣聞土陞茆茨黜華之至道人門桂栢諏吉之恒儀

是以布

辰告以庫宮灑除惟期乎仍貫傳子來於靈囿將作

倍給乎度支

臣聞嶽位宗東虞典先於中月溟支祖左齊音表其

大風是以徵究土之降桑候織蠶以觀俗驗青州之

宜麥

皇清文穎續編

卷五

連珠

六

咨農扈以勸庸

臣聞廣陵陸渢渢鹵收熬波之饒京口絡江閩鄒擅

枕水之勝是以移

華罕於芳墅則蜀嶺崔嵬以展屏汎

藻舟於靜瀾則金山窈窕以瑩鏡

臣聞都有巨麗之賦誇邃宇與廣庭土有清嘉之歌

表迴軒與飛閣是以鄧峯花翻乎

旆影沓萬重以海鋪支潤瀑應乎

鑣音雪千尺而巖落

臣聞龕峯赭峯所束東壑之驚浪喧門塔嶺尖嶺所交北壘之巨塘護郭是以

覽礎薪之成績平潮則一綫中趨增障石之永圖坦水則三成下拓

臣聞聖湖一規蕙隄掩映於隩宇漸水三折蘿壑盤迴於幽瀆是以升鷺嶺以祝

釐則佛界澄靄憩龍井而延賞則仙源噴雲

皇清文穎續編

卷五

遼

七

臣聞淑氣駐韶蒼帝司時而一閨暄陽延景黃人捧日而再中是以歌肆夏以迓

輿管候則緹帷重展樂長春以留

蹕花朝則旌幄兩逢

臣聞秣陵開其大藩包地維之磅礴鍾阜揭其雄鎮俯天塹之蟬蛻是以迴程於踞石之城柳葭隰以縈輦弭節於棲霞之宇松繪岑以拂旃

臣聞圓精調燭胚渾名蘆敷之徵富媪貢映燦嬰盈

茂衍之蓄是以

省鏤畎以登瑞則嘉禾奏篇循室衡而採調則華黍諧曲

臣聞商露均潤豈偏靳於榮柯洪霖普甘非獨施於嘆陌是以

賜貸之數千萬迺足給之康年

蠲除之書再三在殷充之樂國

臣聞清道以行環負轡之迺卒造舟以濟集持楫之

皇清文穎續編

卷五

遼

六

烝徒是以

嘉趨役以饗豐歛欣形乎衢禱

恤執勞而緡益喁唱應乎權歛

臣聞千石之釀衆勳則忘多萬鈞之追羣擊則見細

是以籌平準之法

神倉減其瓊根擴阜通之方少府增其寶幣

臣聞康侯三接錫馬符其占牧后四朝庸車煒其典

是以記承

恩於燕衍則迎道歡臚邀進律於

龍光則入疆慶展

臣聞筠箭被岡以甄拔而美獻茆芹生沼綠殖培而華敷是以覃

景輝於國雍三舍增影纓之士溥

文化於鄉類兩齋廣橫篋之徒

臣聞尙方給札榮莫逾於制科之登行殿簪毫寵無隆於清秩之錫是以停

皇清文穎續編

卷五

連珠

五

翠旗而試藝琅萊賦散金之花展黃帕以陳詩玉禾歌維寶之稿

臣聞泰和轡運則擊壤之音宣頤養布仁則從珍之禮逮是以絮帛均於庶老祝

曼齡以騰呼

璇章賜於耆儒霑念福而膜拜

臣聞掛杖高年近光則彌健投簪暮景邀眷則倍榮是以綏壽朋而傳秩載遷煥我

國瑞晉任子而賢書同賁綿爾家聲

臣聞闕閱之助雖舊賞隨世延縹緲之業雖陳恩與時永是以故家仰錄裔之

詔澤流於薦紳文苑傳易名之條光被於銘鼎

臣聞溫旭所臨則窮燬耀徹迅霆所鼓則邃穴聲傳是以揚雜竿之

德音宣滯幽而惟刑之恤動狴籥之訢氣滌瑕穢而有善斯遷

皇清文穎續編

卷五

連珠

三

臣聞籥文劄于石鼓首美攻同焚樂奏於金鐘先傳震疊是以啟

和門之業業觀射則玉弩重陳移

法仗之林林詰戎則珠鈴載習

臣聞章漢之照頻仰而光華自新大磬之陳疊宣而節奏彌暢是以駐

黃屋以灑翰則瀾生學淵蕞翠珉以刊篇則彩映文

嶂

臣聞上翔下泳契風雅以導機高峙卑亭參智仁以觀性是以訪清遊於浮玉

題留帶之新圖尋韻事於品泉續煎爐之舊詠

臣聞洪澤停淮以刷波屹屹之虹隄承柱呂梁奪泗以併溜閑閑之雉堞覆孟是以度

禹功於河渠鎖鑰規其前效厯

堯慮於水府衣袂課其後謨

臣聞宸窪滙乎西楚浸微山以成湖沮洳交乎北徐

皇清文頌續編

卷五

聖

主

連大野以作敷是以

相荆橋之疏剔蜺彩亘而葑田告平謀魯郡之渫宣

鷺濤分而禾隰呈阜

臣聞茂猷奮光六寓爲之清照芬德蒸治三靈爲之

合訢是以崇禋燎之儀則岳祗結雲以迎

蘇舉瓚流之祀則川伯恬浪以送輪

臣聞人表列乎往冊維嫫斯揚土功存乎通涂有勞

必計是以錫

榜題於吳郡祠墓端樹風之原延冠組於戴村堰隄永分水之利

臣聞寅衷圖勵隨旰宵以未央乙覽課劬在遊豫而無逸是以謹拜章於

紫禦閣門遵三日之程宣

批諾於丹毫

宸幄懋萬幾之勅

臣聞行地省觀則黔萌覃其教法天循牧則旭卉習

皇清文頌續編

卷五

聖

主

其祥是以敷厯洪之治於大同宏賴有慶奉禮卽之

祺於

長樂海申無疆

聖駕巡幸天津恭紀

彭元瑞

臣聞嘉符曼羨修明堂之上儀邳治龐鴻著甸巡之

鉅典是以補耕助斂

天行舉省方之文就日瞻雲

帝圻駐行春之輦

臣聞維天有漢爾雅釋箕斗之間衆水曰津天官在

析木之次是以劇郡藩於畿左位近乎星之依辰洪

流滙於瀛東義取諸水之由地

皇清文穎續編

卷五

集

五

臣聞王者之治三十年而後仁天子所都五百里曰

甸服是以功成治定四八叶於

昌期府修事和億兆被其

景福

臣聞觀岳輯瑞若稽舜典遊河刻玉實昉堯巡是以

撰日吉以

啟鑾歲維二月順陽和而布

德時迺仲春

臣聞以斗爲車四方法其廣運以樂爲御六轡象其和聲是以

輦道花承經

南巡之屢過芳郊繡錯遵陸路者四程

臣聞雄州日下古稱涿鹿之區別館雲邊地占紫泉

之勝是以春雲午日六疊廣夫

天文竹埭虹橋十章煥乎

宸詠

皇清文穎續編

卷五

集

五

臣聞燕南趙北因其地以爲名水舟陸輿凡所至者

曰幸是以蜺旌傍岸却

珣輦以言征桂檣凌波泛

安艫而來迎

臣聞瀦流爲池有淀蓋七十二阻濼爲界其議自宋

遼金是以麗道元之注經跡訛在昔何承矩之遺策

論定從今

臣聞漲減金門準小大以爲量波澄玉帶判清濁之

異流是以

睿慮夙周慎永圖於後事

宸衷久厯息羣說於前籌

臣聞敦本重農則衢歌耕鑿觀光揚烈則道在羹牆

是以摹漢詔於瑤珉官箴恒守仰

堯文於鳳凰

祖訓孔彰

臣聞繚水成防虹一圍而天合築沙峙障蟻半粟而

皇清文頌續編

卷五

通雅

五

壤穿是以

睽千里之長隄不合如礪接三灘之格淀相續如環

臣聞麗兌上缺則澤氣通習坎不盈則水洊至是以

銜

綸相度隴吐雀躍而與謀

頒帑經營澤黎鳬趨而効事

臣聞學海萬頃挹瀾可窮其源藝林千章尋條務探

其本是以美牙河畔

聖學直揭於羲娥蘇傅祠前

天語褒榮於華袞

臣聞移風易俗道闕乎戒奢誨吏型民義約乎崇儉

是以

聖情沖淡借露臺以示箴

寶訓丁寧戒燈船而罷覽

臣聞至德醞釀存神而過化天機端倪目擊而道存

是以省事厯乎偏勞懿哉維

皇清文頌續編

卷五

通雅

五

帝其訓用中戒乎過正大哉

聖人之言

臣聞杏花菖葉春熙已日之辰麥浪柳風路指丁沽

以外是以漂榆城下迓

清蹕以騰歡津樹陰中望

翠鑾而展拜

臣聞水土既修乃底元圭之績雨暘時若聿昭蒼昊

之符是以謹五牘之節宣地利資於人力彰八徵之

協應天貺兆於

神謨

臣聞包乾括坤水爲五行之長沐日浴月海爲百谷之王是以

臨高臺之崢嶸萬頃皆碧

望東溟之澈渙一葦可杭

臣聞箕範紀夫作鹹故利饒於府海周官訓爲不涖故法異於牢盆是以凝萬竈之霜貨無棄地曝五塚

皇清文穎續編

卷五

漢

三

之日寬以便民

臣聞營分水陸扼南北之要衝法詰戎兵控藩維於都會是以

六飛臨閱風雲合鳧鷁之波七校景從茶火列鸛鷺之隊

臣聞甘雨潤物自葉流根湛露滋榮由霄茹壤是以頒溫綸而

啟蹕三分之正賦毋供貢

恩詔於迎旌十萬之通租咸放

臣聞葑菲有材敦循良於漢代菁莪得士樂化育於周京是以

聖朝之章服多榮

賜爵人一級

盛世之膠鬲有慶差額以五名

臣聞禮尚齒而引年逮乎庶老有文事必武備勵汝戎行是以扶杖而樂

皇清文穎續編

卷五

漢

三

太平優之粟帛執戟而觀

盛典增以衣糧

臣聞周雅美于邁歌及烝徒漢法立鹽官裕之寬政是以厘水程之力役優從日給之加

惠趨事之離商課布紓徵之令

臣聞庶民子來寫羣情之歡樂百神受職薦明德之馨香是以出太府而

賜金咸濡優渥準祭法而肇祀永慶靈長